



**COMUNE DI QUARTU SANT'ELENA – COMUNU DE QUARTU SANT'ALENI**

***Tzitadi Metropolitana de Casteddu***

## **SETORI 7 - ÒPERAS PÙBLICAS - PIANIFICATZIONI MOBILIDADI**

### **DETERMINATZIONI**

**Nùmeru 949 de Registru Generali  
De su 20/06/2024**

***Ogetu: PATU PO SU SVILUPU DE SA CMCA (FSC 2014-2020) COSTERA DE SU POETU – CUALIFICATZIONI NOA FÀSCIA APALAS DE SA ZONA DEMANIALI DE S'ÀREA DE SU POETU - RETIFICA, INTEGRATZIONI E ACRARAMENTUS A SA DD N. 935/2024.***

**Su Dirigenti detèrminat:**

**Cunsiderada** sa determinatzioni n. 935 de su 18.06.2024, chi at aprovau sa modifica a su cuntratu Rep. N. 314/2022 cun sa dita Aurelio Porcu & Figli s.r.l. po sa suma de € 433.929,17 cun IVA po una suma totali de € 529.393,59, po is traballus "Patu po su Svilupu de sa Tzitadi Metropolitana de Casteddu (FSC 2014-2020) Costera de su Poetu – Cualificatzioni noa fàscia apalas de sa zona demaniali de s'àrea de su Poetu";

**Cunsiderau:**

- chi s'incrementu cuntratuiali prevèdiu in sa modifica n. 2 a su cuntratu est prus artu de una parti de cincu de sa suma de cuntratu e chi, duncas, bolit aprontau cun s'impresa apaltadora un'atu in aciunta a su cuntratu in sa forma pùblicu aministrativa cunforma a su chi at stabiliu sa nota de su Segretàriu generali prot. n. 67140 de su 10.08.2024, a s'ampasa de s'atu de sutamissioni, arremonau in sa determinatzioni n. 935/2024 e chi fait parti de is paperis aprontaus de sa D.L. e chi

s'agatant in acàpiu a sa modifica a su cuntratu n.2;

- chi s'impresa apaltadora cun nota prot. n. 54315 de su 19.06.2024, apustis de richiesta de is uffizius prot. n. 54045 de su 18.06.2024, at de crarau a manera formali chi *totu is traballus ainturu de is documentus de modifica n. 2 a su cuntratu, ....., ant a essi fatus cun s'aplicatzioni a s'abasciamentu formalizau in sa fasi de gara, chi est de su 25,25%, est a nai a is pròpius patus e cunditzionis de su Cuntratu de Apaltu Rep. 314/2022;*

**Torrada sceda** de acrarai, mudendi su chi si fiat stabiliu cun sa determinatzioni n. 935/2024, chi pigau atu de sa de cratzioni de s'impresa apaltadora cun sa cali at cunfermau s'aplicatzioni de is cunditzionis de cuntratu, giai stabilidas in su cuntratu printzipali rep. N. Rep. 314/2022, finas a is traballus nous prevìdius cun sa modifica de cuntratu n. 2, aproada cun determinatzioni n. 935/2024, s'at a firmai cun s'impresa apaltadora un'atu in aciunta a su cuntratu printzipali e no un' atu de sutamissioni de prètzius nous;

**Donau atu** finas chi po mori de una faddina materiali no s'est indicau chi a segus de is traballus prevìdius in sa modifica de cuntratu, su tempus prevìdiu po s'esecutzioni de is òperas crescit de n.90 diis cun data de acabu a su 14 de martzu 2025, arricendi sa proposta de su RUP in sa relata prot. n. 75983 de su 06.06.2024;

**Ca** tocat a integrai sa determinatzioni n. 935 de su 18.06.2024 stabilendi n.90 diis in prus po cumpriri is òperas cun data de acabu a su 14 de martzu 2025;

**Donau atu** chi cun determinatzioni n. 170 de su 03.02.2024 a s'ing. Elisabetta Spiga dd'ant nominada Responsàbili Ùnicu de Progetu cunforma a s'art. 15 c.1 de su D. Lgs. 36/2023 a s'ampasa de s'ing. Francesca Campus, Responsàbili Ùnicu de su Protzedimentu cunforma a s'art. 31 de su D. Lgs. 50/2016, e cun su pròpiu atu s'est integrau su grupu de traballu cunforma a sa determinatzioni n. 355/2020, giai mudau cun determinatzioni n. 165/2022 e determinatzioni n. 542/2024;

**Donau atu** chi po custu provedimentu no serbit parri de regularidadi contàbili;

**Donau atu** chi, cunforma a is adempimentus de su cali a s'art. 3 de sa L. n. 136/2010:

- su CUP de s'interventu est **E86J16000990001**;

- su CIG chi identìficat s'afidamentu de is traballus est **927327007E**;

**Biu** s'artìculu 107 "*Funtzioni e Responsabilidadi de sa dirigèntzia*" de su cali a su Decretu Legislativu n. 267 de su 18.8.2000, Testu Ùnicu de is leis in contu de s'ordinamentu de is entis localis;

**Biu** su Pianu Integrau de Atividadi e Organizatzioni (PIAO) 2024/2026 aprovau cun deliberatzioni G.C. n. 19 de su 30.01.2024;

**Biu** su Regulamentu in contu de s'Ordinamentu de is Uffizius e de is Servìtzius;

**Biu** su D. Lgs. 50/2016;

**Biu** su Decretu Sindacali Nùmeru 9 de su 17.02.2021 chi at atribuiu a sa sutascrita s'incàrrigu de Dirigenti de su Setori, mudau e integrau de su Decretu Sindacali n. 26 de su 29.09.2021 e prorogau cun Decretu Sindacali n. 5 de su 02.02.2024;

**Biu** su statutu comunali;

**Bius:**

- su PTPC annus 2024/2026;
- su DPR n. 62/2013 – Còdixi de cumportamentu de is dipendentis pùblicus;
- su Còdixi de Cumportamentu de su Personali de su Comunu de Quartu Sant'Aleni aprovau cun deliberatzioni de sa Giunta comunali n. 10 de su 30/01/2014 e modificau de sa deliberatzioni de G.C. n. 8 de su 18.01.2023;

**Donau atu chi:**

- custu provedimentu est cunformau a is òbligis de publicatzioni de is datus in sa setzioni Aministratzioni Trasparenti – asuta de sa setzioni Provedimentu, segundu s'art. 23 de su D. Lgs. n. 33 de su 14 de martzu 2013 e segundu is òbligis de publicatzioni de su cali a is artìculus 37 c.1 de su D. Lgs. 33/2013 e art. 28 de su D. Lgs. 36/2023;
- su Responsàbili Ùnicu de custu Progetu cunforma a s'art. 15 de su D.Lgs. 36/2023 est s'ing. Elisabetta Spiga;

**DETERMINAT**

**De donai atu** chi is premissas faint parti de custu atu etotu e chi, cunforma a is adempimentus de su cali a s'art. 3 de sa L. n. 136/2010, mudau de su D.L. n. 187/2010, coordinau cun sa lei de cunversioni 17 de idas 2010 n. 217:

- su CUP de s'interventu est **E86J16000990001**;
- su CIG chi identificat s'afidamentu de is traballus est **927327007E**;

**De acrarai**, cun retìfica de su chi si fiat stabiliu cun sa determinatzioni n. 935/2024, chi cun s'impresa apaltadora s'at a firmari un'atu in aciunta a su cuntratu printzipali in forma pùblicu amministrativa, cunforma a sa nota de su Segretàriu generali prot. n. 67140 de su 10.08.2024;

**De integrai** su chi iat stabiliu sa determinatzioni n. 935/2024 donendi atu chi po is traballus prevìdius in sa modifica n. 2 a su cuntratu rep. N. 314/2022 aprovau cun sa determinatzioni, su tempus prevìdiu po s'esecutzioni de is traballus in ogetu est stabiliu in n. 90 diis in prus cun data de acabu a su 14 de martzu 2025, comentu iat indicau su RUP in sa relata prot. n. 75983 de su 06.06.2024;

**De comunicai** custa determinatzioni a sa Dita Aurelio Porcu & Figli s.r.l., apaltadora de is traballus, e finas a su Diretori de is traballus, S'Arch. Antonio Sebastiano Gaias e a su collaudadori S'Ing. Corrao;

SA DIRIGENTI DE SU SETTORI Marirosa Loddo